

衡水縣志序

縣之有志唐以前未

之聞也宋縣志多在

南郡至北地之志大

率割自勝朝故每踈

於考古續脩者又或

憚稽考之難競蓋後
事以修卷帙而前事
之稍涉疑似者復道
刪削文獻之無微所

由來匪一朝夕矣銜
水縣志亦肇始明萬

歷間雖遞加編輯而

義例未立漏略猥多

即其所分六門六十

類之中邑本無山而

標以山川仕者有爵

而紀無封爵冠選舉

於人物列禮俗於雜
志分併寡當名實不
符今邑令南城陶君
泚乃慨然舉而脩明
之凡舊志之闕遺盡
為補正而自康熙庚

申以後所增益者則
矜慎於去取廣綱領

為十二酌細目者百

條有要有詳彙乎成

一家之述作既脫稿

莊寫請序於余三惟

唐
邑以漳水橫注而得
名漳合滏再合滹沱
奔騰汨越而水之利
害具焉又地處偏隅
土風夙稱謹厚逮明
中葉一變而棄奔逐

未舊志已有深譏自

我

聖朝重熙累洽涵濡百年
所以激薄停澆亦既
風移俗易矣我

皇上勤恤民隱視閭閻疾

苦不啻已溺已饑先
事預防

詔書頻布比年大舖巨橋
安瀾底績崇墉峻郭
環護鼎新皆不惜罄
金錢百萬以裕云疆之

麻其或偶遇偏灾宏
施蠲賑易所謂凡益

之道與時偕行者欣

百廢之具舉慶三登

之屢豐耕田鑿井之

倫怡心蕩化國之

日舒以長也與禮讓
而成協紅豈祿千載
一會乎夫志之作紅
獨鋪舒名實德紅

覽者知其利弊也紅
以悅安之更以強教

之緬維唐代瀛洲之

選邑之孔氏蓋氏居

其二其脩明徑術即

房杜猶遜能焉千載

以來何不聞嗣賢之

迭起也敦崇儒術優

而游之而使治蒸
益進於古是所賴乎
良有司矣

太子太保直隸

無理河道管

桐城方觀承撰

考古列國之史皆謂之志周禮
外史掌邦國四方之志則是志猶史
也千古而下仍襲其名以時修續備
一方之文獻故採風者尚焉獨是傳
疑傳信聞見未廣則多畧臆見未洽
則多偏棄取各具一心前後非出一
手後之修續者苟不芟繁補闕與時

變通徒事縱橫，
也衡水劇，
北環勢，
畿服要害之區，
丙戌年奉

命視學三輔校士深異諸州往來其地每
見大牖鉅橋築防孔固未嘗不仰見
朝廷憂勤宵旰之周而下得賢有司經

疆理之善水土奠安民物康阜人文
起而教化興其在斯時乎固觀風問
俗者目覩心喜而為邦人稱慶者也
日者邑侯陶君淑以所修縣志抄彙
成帙郵致請序於予予嘗披覽舊志
始自明季萬厯間嗣是修輯迭舉踈
漏猶多甚矣簪筆之難也陶君為

右隽才撫蒞有年固已治洽於民政
宜於俗矣而猶以激揚風化為兢
豈非急先務而勇於有為哉抑思
猶史也前代纂修者有周子方之
作厥後張右山任河津王扶風
衆人衡斷需延歲月而成今集
之叅稽考訂而欲上補百餘年

夫不已

其較訛辨舛別類

分名綱

張視昔敬亭陳氏尤加

慎焉凡

星野川原官府壇墀人物

儀器靡

條列而紀張別徑而陳數

若夫謹天變明王章重民事其大者

直書懲前鑒後炳乎有史家風

如別人物於選舉分禮俗於雜

增學校添載封爵此又皆其報
見而尤倦々加意者河道情形遷流
靡定前志亦畧而不詳夫衡邑素稱
澤國沃壤漂汨豐歉不時守土者罔
勿思患預防而源流未清利害莫辨
君獨以水利良法昭布方冊上荅

天子愛養元々之意莫大乎此至於由

獻考文曰時制宜務使今日之典則
信而有徵禮樂文章燦然大備是誠
古之良史豈僅資一方之博覽已哉
乾隆三十二年丁亥夏五月

誥授光祿大夫

經筵講官吏部左侍郎

兼管國子監事教習庶吉士提督順
天學政吉林德保序

重修衡水縣志序

卷之二

序

序

泚既受事衡水之五年乃
克纂輯縣志勒成一書摛
拾舊文增益新事統計全
書十四卷作而告邑之人
曰於戲是書之成豈不

其時或縣志蓋一邑之史
非徒以侈繁望供憑攬取
足備文士之紀載已也是
古者山川戶口阨塞國
之遺而風俗典章脩廢
墜後來者之所詳考而

為爾其狗人夫實券張

藝穢者固不足深論一二

能文之士以以簡潔澀為

要或意盡此亦也

如家也

不

之二者文病也
巧以不增於前
於彼謀補首
一邑重輕則又
書自氣之
夜飲是身之

庚辛為茲邑樂觀厥成者

可觀縷舉蓋自甲申而挑
城書院成老龍亭闢成越
丙戌而安濟橋成越丁亥
而縣城成至今日而教導
得其地道路得其平水旱

得其備坊術得其守邑之
大以靡不具舉上賴

聖天子愛養子惠嘉予兆姓登
之康樂哉

內婦

易嘉名妥嚴豐而書大有重以

大府之加意經營諸長
之彈心指畫俾一邑之人

士歌於學農歌於畝商旅
歌於塗因得叙次臚列諸
大端矍然秩然以耀簡編
而光載籍是下吏所鼓舞

雀躍以謂是書之成真千
載而一時者也邑之人其
益務勤耕讀敦習尚以仰

副

太平盛治之時乎既以告諸
邑人因書之以為縣志序

乾隆三十二年

秋之上浣穀旦

賜進士出身山西庚辰

恩科同考試官知衡水縣事加
三級紀錄十次南城陶泚

書

衡水縣志歷修姓氏

明

萬歷十年創修

知縣周子文

國朝

順治二年重修

知縣張恒

順治十四年重修

知縣任宏孝

康熙七年重修

知縣王萬方

康熙十九年重修

知縣蕭鳴鳳

舉人孫可憲

蕭九泰

貢生張躍龍

姚時和

張宿

孫維憲

生員張之璉

乾隆三十一年重修

纂修

知

縣陶淑
南城

同修

教

諭王希曾
趙州

訓

導馬崇德
保定人

校梓

縣丞借補典

史李學穎
黃岡

協修

進

士高世綸
邑人

行方鼎
貢

生王猷

貢

生曹敬新

貢

生劉元兆

經理

廩

生石斯泌

生

員柳如松

生

員劉琦

採訪

貢

生渠源溥

貢

生常經

廩

生李世彬

廩

生陳紹思

廩

生張汝鍾

廩

生孫可福

生

員張志仁

生

員劉殿元

生

員侯之翰

生

員張廷奏

生

員杜謙牧

生

員王煒

生

員渠 浩

生

員貢 折桂

校對

廩

生劉君在

廩

生康 謙

增

生鄭自勝

生

員郭久安

生

員柳仲霖

生

員石 渠

生

員張 鈞

衡水縣志凡例

凡例十二則

一 邑志創修於明萬歷間至

國朝經四修自康熙以迄於今未曾續纂余甫到任諸紳士輒以志書爲請予唯唯者三蓋有待也今夏邑之人力請修不已爲是曉諭通邑屬諸同人以採訪編摩之任每乘公餘親加校正舉前修之缺失及今八九十年散佚之事悉從而論定之雖未敢信其完備而及時補苴亦後事之資也其一切刊置經費皆紳士理之予嚴

飭書役不得與聞

一前志六門多事牽強茲分門十二以類相從每門立小序綴以節目其中間用按語誠以事關利害疑信相叅故不憚詳說也

一沿革分野舊志太畧今博採增入者十之八九至於典禮學校諸篇前人未及今輯補之

一水失故道遷徙無常今據現在水勢河道源流利害從詳誌之俾知築堤建閘穿渠控引水利可興而其害亦可殺也其從前發源水經論說

一舊志不列封爵并缺其人今按通志州志採輯
補之建置志內凡昔有而今無者仍載基址以
志興廢賦役詳於

本朝而畧於前代以彰規畫法制之善戶口村庄
分別詳誌見生齒日繁而有富庶之徵良法善
政著有明效者謹登於冊以垂法守學校廟祀
載於會典士民罕見其書故撮其要領而詳於
文廟所以明禮教示所尊焉

一舊志人物內列選舉諸科大乖志體夫選舉者
朝廷之典人物者士民之行苟有忝於衣冠卽

負愧於人物比而同之可乎茲志分門列之庶
幾名實不淆

一舊志人物分列十類顯達諸公並列鄉賢殊無
倫次茲志增訂十類曰先哲曰名臣曰政事曰
武功曰孝友曰儒行曰儀行曰流寓曰仙釋曰
列女悉按原傳綜其生平斟酌序列鄉賢事關
題請其已經入祀者卽載於本傳下不另列曰
懼其複也

一名宦政績附載於官師之後從其類也有一二
善政仍用雙行註本名下仿陸清獻公靈壽縣

志之例

一人物志中真偽是非不敢混淆其見之諸史者
卽錄載本人原傳其史氏不傳而詳於舊志者
仍照舊志存焉茲志曾補人物除列女而外不
過十數人此十數人者一行一能鄉評悉協故
節取之以爲作善者勸

一事紀首志

德音昭渥澤也次禩祥重天時也次政事察八事也
前志類敘不倫亦多疏漏茲採擇補入分別觀
之

衡邑界在深冀之間爲先後屬邑其文其事間
採入焉其餘無關於土地政事人民者雖鴻篇
鉅製概置不錄

一藝文碑銘傳記按朝先後分體編次詩不分體
依古今次之舊志八景事多附會僅存詩八首
以志大概其前人及近代諸詩擇其於邑有關
而言之有文者輯之

第一卷

圖考志

縣境

縣城

公署

學宮

書院

第二卷

地理志

分野

沿革

疆域

河渠

村社

第三卷

建置志

城池

公署

學制

義學

壇廟

寺觀

橋梁

堤閘

表坊

倉廩

第四卷

田賦志

地糧

支銷

夫馬

戶口

市集

鹽課

雜稅

物產

一

一

第五卷

典禮志

慶典 迎春 祀典 祝文
賓興 鄉飲 起送 風俗

第六卷

學校志

綸音 廟祀 書籍 入學 貢法

第七卷

官師志

封爵 文職 武職 宦蹟

第八卷

選舉志

徵聘 進士 舉人 貢生 武科
武職 雜職 封典 恩蔭 鄉賓

第九卷

人物志

先哲 名臣 政事 武功 孝友
儒行 義行 流寓 仙釋

第十卷

人物志

列女

第十一卷

事紀志

德音 祿祚 故事

第十二卷

藝文志

詔令 制疏 記

第十三卷

藝文志

序傳 論碑 誌文 考
辨議 跋箴 賦

第十四卷

藝文志

詩

衡水縣志卷之一

圖考誌 縣境 縣城 縣署 學宮 書院

周禮職方氏掌天下之國以辨九州分九野自山林川澤以至民間畜牧禾麻黍穀之屬無不各肖形似繪於簡編故朱子知南康軍首按國經察民情而採風土故治洽於民而政宜於俗衡水幅員橫亘規方百里雜堞崔嵬巒門輝煥山川景物行迴紫挹境內之象一披圖而得其概也

武至北

里十四縣邑武至北東

縣境圖

東至景州九十里

河流會澄海

壇北

縣北

西義


西義

小候

新興

德至南


里十二百一州德至南東



西比全深州十七里

縣一百二十里

西至東鹿縣七十里



西至南莫州十四里

縣十五里


縣城圖

邑屬壇

東嶽廟



東門



火廟




城隍廟



在城舖



三官西





新開

寶寧寺

增社樓

主廟

觀音堂

寶寧寺

馬神廟

關帝廟

壽縣

濟安橋

步會

春濟院

淨翁廟

西門

水縣

壽縣

坑


觀音堂


觀音堂

雷風壇


三


縣署圖







學宮圖





書院圖





--	--	--	--

衡水縣志卷之二

地理志

分野 沿革 疆域 河渠 村社
鋪通 街坊 古蹟 邱墓

衡於古爲桃縣歷代紛更遞屬不一然規方百
里卽古侯伯之邦不得貌茲彈丸也觀星野則
緯地而經天溯沿革當準今而酌古撫井邑之
繁探山水之勝歷覽村墟憑吊古蹟分而臚之
可以有所考焉况乎長蘆浩淼濁漳衡流萬戶
田廬生計所繫司民牧者何以撫吾民而固吾
圉也志地理

分野

周禮云昴畢冀州

爾雅云冀州大梁昴濁謂之畢

春秋元命苞昴畢間爲天街散爲冀州分爲趙

國

帝王世紀云自胃七度至畢十一度曰大梁之

次

史記天官書東宮尾爲九子箕爲敖客西宮昴

曰髦頭畢曰罕車箕幽州昴畢冀州

漢書地理志趙地昴畢分野北有信都真定常

山中山東有廣平鉅鹿清河

晉天文志自胃七度至畢廿一度爲大梁之次
于辰爲酉于州屬冀于五星屬水

天文志胃昴畢大梁也趙冀州分野

山河兩界圖胃昴畢星曰大梁宮曰金牛辰曰
西州冀爲趙分

真定志云真定入畢十三度常山入昴五度中
山入昴八度信都入畢三度安平入畢四度
趙郡入畢八度以此推之深州當在畢三度
衡水當在畢四度

沿革

信都國

景帝二年爲廣川國宣帝廿三年復故莽曰新博屬冀州

縣十七

信都

王都故漳河故津沱皆在北東入海禹貢絳水亦入海莽曰新博亭

下

博

莽曰博

武邑

莽曰武邑順桓桃桓分

漢書地理志

安平國

故信都高帝置明帝名樂成延光元年改

十三城

信都

絳水滹沱河

下博

武邑

後漢書郡國志

安平國

漢置統縣八

信都

下博

武邑

晉書地理志

冀州

長樂郡領縣八

信都

下博

武邑

郡

晉武帝置領縣五

武邑

前漢屬信都後漢晉屬安平後屬

魏書地理志

形志

信都郡

舊置冀州

統縣十二

衡水

開皇十六年置

隋書地理

冀州信都郡上九縣

衡水

上南一里有羊令渠

新唐書地

理志

冀州上信都郡縣六 衡水

宋史地

理志

冀州上縣五

衡水

有長蘆河降水

金史地

理志

深州

下

以冀州之衡水來屬領縣二

衡水

下

元史地

理志

深州領縣一

衡水

隋置東有長蘆河卽胡盧河下流也又南有澤水

明史地

理志

冀州領縣五

衡水

漢信都國桃縣地隋初爲信都下博武邑三縣

地開皇十六年始置衡水縣屬信都郡唐屬冀州宋金因之元改屬深州明因之本朝

初屬正定府雍正

一統

二年改屬冀州

志

疆域

東西廣七十里南北袤五十里

東至武邑縣界留中集二十里

西至深州界陳家口五十里

南至棗強縣界肖張集三十里

北至武強縣界傅家池集三十里

東南至棗強縣界軍衛村三十里

東北至武邑縣界雲齊村二十五里

里

西北至深州界陳二莊三十里

西北至保定府二百七十里

北至

京師六百三十里

河渠

衡水 在縣治西北由冀州經故城河後南徙隋

割桃縣武邑下博三縣地置衡水縣義蓋取諸

漳水橫流故名又曰長蘆水歷下博城西北透

迤而東北注呼爲九曲水

衡水廣一百二十里縱九十里至一百三十里其

深五尺

河渠志

滏陽河 在縣西里許自西南而來發源於磁州
磁爲滏陽郡故名滏陽經大陸之澤與沙洛浚
泆渚水合至曲周縣界漳水旁入經衡水有
衡水故瀆以爲濁漳下流凡大水泛漲卽此水
也舊縣繞城南而東下新縣繞城西而北下至
青縣歸運河達天津衛入海

按滏陽河舊合漳流故多衝溢今漳水東徙

經魏縣元城抵館陶入衛不與滏合滏水獨
行貫寧晉泊而出衡水出泊以下水勢並增
合漳沱湍悍之流所有民堰難資捍禦將臧
家橋以上直至衡冀一帶民堰地方官查勘
令民間加工修築年年增補庶水患可少弭
矣

漳河 漳水北環杜溝南洋虬邑之形勢也

畿輔志

漳有二源自清漳出山西太原府平定州樂平
縣滹嶺濁漳出山西潞安府長子縣發鳩山二
水分流至河南彰德府涉縣合而爲一日交漳

東行入磁州又東入臨漳縣從臨漳東北入直隸廣平縣分二支一支東行入衛一支爲溪流北行經山東邱縣界復分爲二支漳自邱縣一折而東經威縣南宮棗強武邑故城景州阜城交河至青縣杜林村一折而西經廣宗平鄉鉅鹿抵寧晉縣會滏陽河至冀州又合滹沱河由衡水歷武邑武強入獻縣完固口自威縣而東俗曰老漳河自廣平而北俗曰新漳而其由館陶入衛者自廣平經魏縣亦分新舊二渠過元城而東注

按萬歷二年漳水北徙由城安澗鄉入曲周縣之滏陽河而館陶之流絕矣至

國朝順治九年漳水又至廣平縣之杜村經元城

縣賈家莊復繞至廣平之平固店注山東邱

縣城壕分而爲兩支一由邱縣城北流廣宗

鉅鹿新河入寧晉泊與滏陽滹沱諸水會又

東北流河間大城入子牙河歸滹入海一由

邱縣城東流經威縣南宮武城又東北流經

阜城交河至鮑家嘴入運河其自成安經威

縣東抵山東館陶縣入衛遺跡長一百二十

餘里漳水經者百二十四載至康熙三十
六年六月初九日漳水驟至館陶與衛河會
此後北流漸微至康熙四十七年入邱之上
流盡塞而全漳入於衛卽今南館陶所出之
漳河也

滹沱河 在真定府南八里發源山西代州繁
峙縣由雁門流經直隸靈壽平山繞真定城南
歷藁城晉州東鹿至冀州會漳滏二河過衡水
武邑武強至河間府獻縣爲二支一東流爲鹽
河一南流交河縣抵青縣岔河口入衛

陸龍其
畿輔地

置記 滹沱在冀州北自保定府東鹿縣流入與漳水合東下衡水武邑又東入深州之武強縣界自

本朝順治二年入冀州境有二口一由東鹿縣韓村莊至冀州界趙家莊入漳一由智邱村四七營溫浪口等村過堤北入漳自合漳後卽入衡水

武邑界達河間府境

冀州志

滹滏會流自有明永樂十六年塞劉村改流衡水之五花營導于漳水漳滏既合滹水亦於此會流禹貢錐指云滹沱于順治二年從冀州合于

漳水雍正四年得舊河一道由木邱南至焦旺村引滹沱入滏河乾隆二十五年自東鹿南遷由寧晉界入滏河會流

漳滏合流至冀州之王家莊乃與滹沱合又二十里至冀州堤北又二十里至衡水之郎子橋又五十里至衡水石橋又四十里至武邑之圈頭古運河 去縣東十五里許濶百步深丈餘今無水自南迤北甚遠傳名古運糧河

杜村溝 在縣治西南十里內通南田侯店等村
窪地二十餘頃明宏治間開此溝以洩水患後

復壅塞正德間復疏通至今窪地水不停蓄民
獲耕種之利百餘年間漸復淤塞乾隆二十八
年知縣何燧督率民夫挑挖窪內積水消涸

夾河 漳水支流也經衡水縣界又東入滹沱河
傅家池 卽滹沱水分流今改經衡水五花營入
漳水

長蘆水又曰長 溝自寧晉縣經南宮縣入州界
又東北入衡水縣界

又長蘆水東屈北逕信都縣故城西信都郡治也
又北逕安陽城東又北逕武陽城東又北爲博

廣池又北逕下博縣故城東而北流注於衡水

也

水經注

羊令渠 在縣治南二里唐延載中縣令羊元珪

引漳水北流貫注城隍

唐書地理志

泮水 在冀州北舊曰絳瀆亦曰泮水枯瀆又云

枯澤渠皆一水也由順德府廣宗縣流入南宮

冀州而下趨於衡水舊有大防逶迤至冀州以

備水患歲久堤壞夏秋潦水交集由虹江口至

舊縣汪洋數十里甚爲民患

北沼 在縣治西南二十里許夏秋水漲通於衡水

淳

會勘渠 在治北二十里孫家莊後舊有河道以洩淳沱水下游年久淤塞遂致水無去路積澇田稼知縣何燧於乾隆二十七年詳請開渠以通水道 上憲飭令會勘得允所請乃因其遺迹復加疏濬而寬三丈淺深不等引淳沱之水流入滄陽自是得免浸溢之患

村社

東路

周通村治東五里土黑窪下田苦難治其地出

鹽

南蘇札村治東十里窪下瀉鹵不堪耕種其地

出鹽

北蘇札村治東十五里有鹽池三

留中堡治東二十里堡內周圍一里二百步高

二丈五尺池濶一丈深七尺四門四座嘉靖

二十二年知縣李完建今士大夫相續不絕

文物之鄉有市集與武邑交錯

周言村治東八里與胡家莊共爲一村土半鹹

不堪耕種有鹽池四十餘

尋家疇治東南十五里地產梨棗

大周村治東南十八里出鹽

蓋村治東南二十里

團村治東南二十五里

善官新莊村治東南六里地多鹹薄出鹽

武家莊治東南十里地多鹹出鹽

東景官治東南二十里

西景官治東南十八里

南路

康家窪治東南五里地多鹹薄出鹽

復水縣志 卷之二
王許莊治東南十里地鹹薄出鹽

祝葛村治南十八里地多鹹薄

小侯村治南十五里有鹽池百三十

小侯新莊治南十二里有鹽池十五

中景村治南二十五里

東杜村治南六里有鹽池一百十五

西杜村治西南十里有鹽池八十四

中杜村治西南七里有鹽池百三十五

侯店村治西南十二里有鹽池十一

開河村治西南十二里有鹽池百三十六

趙常村治西南十五里有鹽池一百一十

北田村治西南十八里有鹽池一百三十二

南田村治西南二十里與小南田村共一村有
鹽池百四十四

高村治西南二十里

千馬村治西南三里濱河出蔬出鹽

鹽馬村治西南十八里有鹽池十一

焦網村治西南三十五里

鉅鹿村治西南三十五里有鹽池四十二

浪子橋治西南四十里南北通衢

衡水縣志 卷之二
范家莊治南二十里出鹽

西路

疙疸頭治西八里

西團馬村治西十二里

東團馬與西團馬相近

張六堡今名新集村治西二十里堡內周圍二里高二丈濶一丈東西二門池濶一丈深七

尺嘉靖二十二年知縣李完創修相傳初有

邑人張六者雄偉豪勇遷徙至此山西軍亦利此堡欲立屯所張六挺身率眾與抗卽逐

去因立集後又增之堡名張六不忘舊也名
新集以特起也

東牛蹄窪治西三十里有鹽池三十

西牛蹄窪治西三十里

北牛蹄窪治西三十里

李家圈治西三十五里

柳林村治西四十里

橋頭村治西四十五里有鹽池四

陳家口治西五十里

花墳村治西五十里地薄沙鹹界深州東鹿有

鹽池二十七

呼家莊治西六十里有鹽池二十七

北路

李馬村治西北八里

北大村治西北七里

店上村治西北十八里

麻森村治西北十五里地肥民亦富庶與店上

實一村土產相同

小屯村治西北十五里沃壤富饒多果木

馬老店治西北十八里十三村爲一村

白塔村治西北二十里

駱駝窪治西北二十五里十八村爲一村

五店營治北十二里

南謝章治北二十里

北謝章治北二十五里

夏寨村治東北五里地瘠民醇

野營村治東北五里

北新莊治東北十五里地瘠出鹽

崇水口治東北十五里多鹹出鹽

蘇留村治東北十五里多鹹出鹽

孫家莊治東北二十里多鹹出鹽

牛家佐治西北五里

舖遞

城中舖

在縣署路南

五花營舖

在縣正北離城十里

馬老店舖

在縣西北城二十里

街坊

育賢街

在治東迎旭門內

阜民街

在治南來薰門內

西成街

在治西登瀛門內

豐登街

在治東渚帶門內

玉帶街

在迎旭門內迤北知縣葉廷秀開立

隆慶街

在治西登瀛門外

通商街

在隆慶街迤南

馬廠街

在西成街迤北

木廠街

在通商街迤西

觀瀾街

在河橋西

問津街

在觀瀾街迤北

惠民巷

在阜民街迤東

咸和巷

在阜民街迤西

集賢巷

在陸慶街迤北

古蹟

羊令渠

在舊縣南二里唐延載初縣令羊元珪引漳水注隍後因以名見一統志

賈雲塔

在舊縣高十餘丈唐時建造後寺移新縣塔依然存年久傾圮萬歷年女道士

亞氏重募修

譙樓古鐘

唐貞元六年造在舊縣寶雲寺內後城沒於水議移新縣因其重大難以

陸行及冬月水堅由河而致至橋水陷次年春方出水後誤為流來之說

今在譙樓

聲甚清遠

空城

在城西二十里有餘遺跡尚存

孔賢莊

在縣西五里唐國子祭酒孔穎達故里

蓋

村

在縣東二十里唐蜀王太傅蓋文達故里其宗人文懿亦以文學顯於時號二

蓋見唐史

桃

城

在縣西四十里漢縣今廢

壠墓

唐

孔穎達墓

在治西北五里許無高塚但塚前周圍數尺寸草不生是其異也有元大德七年縣尹袁緯碑記按唐書穎達陪葬昭陵于志寧撰碑今在醴泉縣此則舊志所載存以傳疑

蓋文達墓

在治東南二十里蓋村有于志寧撰碑尚存

元

蕭真墓

在和商門外迤北石器尚存

蕭守信墓

在真墓之右

明

李遵義墓

在治北通濟門外

趙應龍墓

在治東南二十里蓋村

楊惠墓

在治西南十里開河村

傅山墓

在治西四十里

傅廣墓

在治西二里許

傅希摯墓

在治西二里有敕修瑩域諭祭碑文

國朝

平南王祖墓

在少保墓南

衡水縣志卷之三

建置志

城池 公署 學制 義學 鹽廩
寺觀 橋梁 堤閘 坊表 倉廩

養濟院 留養局

墩臺 軍器附

衡水故城沒于漳水明永樂年間改遷今治其
時民力竭蹶規制未備自明以迄於

今宰斯土者察其緩急而先後圖之次第增置耳
目一新此皆順民心以時舉措雖勞且費民不
爲厲昔衛文公營楚邱國人作定中之詩以美
之魯城中邱春秋以不時書用民一也而美刺
殊焉知節愛者亦必有道矣志建置

城池

衡水縣治原在今城西十五里其創建未詳唐延載中縣令羊元珪繕修元大德中縣令靳守良重修永樂五年漳河大水滄沒七年不可居十三年遷於河東范家疇卽今治也

景泰元年知縣歐復縣丞朱昶翔築土城周四里高二丈東北隅少缺像其形曰幞頭城池周四里濶七丈深丈餘又鑿渠於通濟門外引河水注於隍後漸淤淺

正德壬申流賊亂深州知州李洪督知縣張文佑

增修高二丈八尺基廣如之上廣一丈三尺堞口一千二百二十五角樓四更舖三十三四門各建重簷樓三楹

嘉靖十五年知縣郝銘二十年知縣李完重浚又建弔橋於和商門外其樓額曰金湯三十年知縣嚴修仍於仁育迎薰通濟門外各建重樓

萬歷三年知縣孫夢麟易堞以磚六年又建青龍閣於東南角四十一年知縣魏階繼修

崇正九年知縣王詢修磚敵臺共十四座

順治元年五月初九日東西城樓土賊焚毀二年

知縣張恒重修東西門樓二座東門曰迎旭樓
曰旭日朝暉北門曰漳帶樓曰襟帶漳河南門
曰來薰樓曰薰風阜財西門曰登瀛樓曰瀛洲
古渡視舊偉然但北面多沙易圯若能甃以磚
庶一勞永逸之計也

乾隆三十年制府方公奏辦直隸城工共五十
五處俱改建磚城以垂鞏固欽奉

諭允

特發庫帑分年辦理乾隆三十一年撥飭衡水知縣
陶淑興修清河道周元理勘估計城週九百八

十四丈高二丈二尺上廣一丈五尺基廣二丈七尺砲臺十六座壕口一千二百三十個角樓四更舖四四門俱建重簷樓三楹實估計需費六萬三千四百餘兩淑奉令承修肇工於乾隆三十二年二月告竣於三十年 月計日成功崇墉屹立而金湯之利賴焉

公署

縣治在舊城者無考永樂十三年遷今治知縣陳敏建創建在城中央後縣丞田恒知縣楊儼王泰馮銳文皓鄭朝輔孫夢麟相繼修葺至順

治元年五月初九日土賊破城焚毀城樓察院
公署等處二年知縣張恒補葺增修稍符體制
十一年知縣任宏孝於官宅內剏平樓一座額
曰不危捐俸爲之乾隆二十八年知縣陶淑涖
任內外衙署半就敝壞不蔽風雨因循三載未
遑經畫於乾隆三十一年八月內乃得詳懇勅
用公項修葺頭門二門大堂二堂及內署共七
十三間庶規模一完整也

譙樓三間

乾隆三十一年知縣陶淑重加修葺
上有舊縣移來古鐘額曰古鐘樓

頭門三間

知縣陶淑重建

東西班房四間

儀門三間

戒石亭一座

六曹房科十二間

知縣陶淑重建

庫房三間

庫樓一座

在大堂東

大堂一座九間

外宅門一間

門房二間

二堂三間

向爲過廳知縣陶淑增修繕完額曰清心堂

後平房二間

東大廳三間

知縣陶淑重修
額曰種菊軒

內宅門一座

東土房五間

西土房五間

綠槐亭

亭前故有老槐二株知縣陶淑新構小亭一所因以名亭

西書房三間

東廳房五間

北樓房一座三間

北土房二間

在樓西

北廳房五間

東書房三層九間

以上各處于乾隆三十一年知縣陶淑修葺

馬號廠六間

在大堂正東

監獄土圍墻十二間

在儀門右

旌善亭

在大門外右

申明亭

在大門外左

演武場

在治西南二里

典史署在縣堂右

大門一座

正堂三間

穿廊三間

後堂三間

書吏房一間

皂隸房二間

宅門一座

內署六間

東西廂房六間

學制

舊縣儒學在縣治東前代無考元大德十一年知縣靳守良重建至正年間兵燬明洪武八年

知縣韓羽復修永樂五年大水滄廢十三年隨
縣遷於范家疇在城東街知縣陳敏典史胡秉
建後知縣歐復蘭珮孫鍾許份孫夢麟朱鳳伍
相繼修葺

大成殿五楹

東廡七間

西廡七間

神庫二間

在殿後東

神厨二間

在殿後西

泮池

戟門一座

以上各處於乾隆三十二年八月知縣陶淑捐俸改修

崇聖祠

在文廟後嘉靖八年知縣許士昭建

名宦祠

在明倫堂西隆慶四年知縣許份建今移文廟前左於乾隆二十一年知縣王

在璋
重修

鄉賢祠

在名宦祠右嘉靖六年知縣鄭朝輔建今移文廟前右於乾隆二十一年知縣

王在璋
重修

忠義祠

在明倫堂大門內東

節孝祠

在明倫堂大門內西

文昌祠三間

舊在文廟東成化年間知縣王泰建歲久頽沒本朝順治丁酉復舊址乾隆二十一年知縣王在璋改建於文廟前之西

魁星樓二座

一在城東南隅康熙四十年建一在文廟前東乾隆二十一年知縣

王在
璋建

明倫堂

在文廟西

射圃亭

在文廟東後久廢今遺址存焉

義學

順治九年題準每鄉置社學一區擇其文義通曉行誼謹厚者補充社師免其差役量給廩餼優贍

康熙五十四年二月

聖祖仁皇帝勅諭朕每年行幸水淀近見村莊之中誦

讀尚少况移風易俗莫過讀書非此無可上進朕思
畿輔之地迺王化所先宜當窮鄉僻壤皆立義學覓
人教讀亦勉勵孝弟可望成人矣可卽遍示莊村俾
知朕崇學好文之深意焉

雍正九年題定州縣於大鄉鉅堡各置社學一
區擇生員學優行端補充社師免其差役量給
廩餼凡近鄉子弟年十二以上二十以內有志
文學者俱令入學肄業仍造姓名册結於學臣
按臨申報查考分別獎賞褫革務期啓發蒙童
成就俊乂以備三代黨庠術序之法又奉

上諭各直省現任官員自立生祠書院令改爲義學延師授徒以廣文教

社學一所

在儒學署後明嘉靖年間知縣許士昭創建既而改爲察院行署

育賢書院

在玉帶街明萬歷年間知縣孫夢麟改察院行臺爲書院後寢荒廢至明末舊址爲民居前改爲玉帶街

右山書院

在縣西之河干知縣張恒創建後廢所有房舍
地基現在充公收息以贍書院

桃城書院

在縣治東偏經始于知縣何燧僅具基址以調
去未遑規畫乾隆三十年知縣陶淑重加整飭
中外門楹煥然改觀一切修餽膏火之資次第
籌辦示垂久遠

壇廟

風雲雷雨壇

在治南來薰門外
迤西五十步許

社稷壇

在治西登瀛門
外迤北百步許

邑厲壇

在治東迎旭門外迤北半里許以上俱萬歷九年知縣朱鳳伍重修

關帝廟

四一在縣治前一在登瀛門外一在觀瀾街北一在馬廠街北

農神廟

在治東迎旭門外迤北雍正年初建

城隍廟

在治東育賢街創建未詳萬歷二十年知縣周子文重修有碑

火神廟

在通商街南

八蜡廟

在來薰門外迤西久廢知縣葉廷秀創移西關外

馬神廟

在治西北馬廠街

土地祠

在縣治前

東嶽廟

在迎旭門外前未詳萬歷初女道亞氏重募修

玉皇廟

在觀瀾街迤西

二官廟二
一在來薰門外
一在河西

晏公廟
在集賢街迤北

三義廟
在迎旭門外

三清廟
在玉皇廟右萬歷年趙儒建

泰山行宮
在三清廟右

白衣觀音廟二
一在觀瀾街一在問津街迤北

龍王廟二
一在橋西一在河炭廠岸

觀音堂
在通商街南頭

寺觀

寶雲寺
在馬廠街

寶寧寺

在問津街迤北

觀音堂

在通商街迤南

開元寺

在治東南武家庄

彌陀寺

在治東南西蓋村

興福寺

在治東南東蓋村

崇善寺

在治南景管村

清涼寺

在治南小侯村

圓覺寺

在治南南田村

寶塔寺

在治南北田村

崇興寺

在治西南焦網村

觀音寺

在治西南
鉅鹿村

龍興寺

在治西
南高村

石佛寺

在治西南
郎子橋村

龍泉寺

在治西南
李家圈村

天寧寺

在治西
牛蹄窪村

萬善寺

在治西
張六堡

觀音寺

在治西
撩繩口村

香林寺

在治西
小屯村

觀音寺

在治西
陳家口村

永福寺

在治西北
馬老店

石佛寺

在治北五
花營村

龍會寺

在治北
謝張村

山西郝公祠

在登瀛
門外

山東孫公祠

在登瀛
門外

河南郭公祠

在登瀛
門外

橋梁

衡水橋在縣城西門外爲齊晉及畿南諸郡四達

要道天順元年邑令楊儼奏請深冀二州聚強

武邑二縣協濟創建木橋成化宏治正德嘉靖

間屢圯屢修嘉靖三十二年縣民徐廷等募建

石橋用銀七萬餘兩隆慶三年大水橋復圯邑
令孫夢麟率鄉民買從仁趙儒籌費重修閱數
年工始竣而壯麗爲一邑水陸之望迄今又二
百餘年日就傾頽其在明以前橋惟跨淦自順
治五年滹沱入淦會爲一河勢倍盛於前而臨
以將圯之橋非亟籌大修不可桐城方公制府
爲請於

朝發帑四萬七千六百八十餘兩委清河道周元
理通永道玉神保往來董理知縣陶淑親承指
畫選料鳩役擇吉肇工於乾隆三十年八月閏

十月竣事土無顛潰水不橫溢大府臨視告厥
成功蒙奏準

欽賜名安濟爲文以紀具載藝文志

郎子橋在治西南四十里按一統志漢時王郎嘗
駐軍於此故名今廢猶以名村

堤閘

護城堤環隍外高五尺許基廣七尺上有羊馬城
嘉靖二十年知縣李完重築三十年知縣嚴修
繼築今圯

舊城堤環城而西南抵冀州綿亘三十餘里高約

五六尺

沿河堤南岸起于馬村逸焦旺村北岸起團馬村
迤高村高約五六尺不等宏治十七年知縣文

皓築

劉公堤在漳河南岸去河百步餘起自棗園村以
西經社村談家等庄一帶約長三十餘里高六
七尺遇水不害民獲利焉萬歷三十三年知縣
劉化龍修築

新堤在漳河兩岸東北抵深武西南抵東冀且百
餘里高三丈濶一丈餘知縣邵于道創始王萬

方增修年來水雖漲而不溢民免阽危咸歌誦焉

老龍亭閘在縣治南三里乾隆二十八年知縣陶淑詳請建閘以防水患閘凡三空高一丈九尺八寸堤面廣三丈奉部堂各處親臨勘估所支帑銀計八千五百五十九兩乾隆二十九年五月告成迄今數載高下豐稔可免衝溢之患

坊表

儒林坊

在儒學西改口泮宮後改起鳳今廢

澄清坊

在察院西後改騰蛟今廢

太僕行臺坊

在馬廠街口今改北臺行驛

重芳坊

在阜民街爲舉人杜傑建

世科坊

在西成街爲舉人耿昇建

冠英坊

在集賢街爲舉人陳信建

奪錦坊

在阜民街爲舉人魏進建

登科坊

在育賢街爲舉人蘇縉建

拔萃坊

在育賢街爲舉人趙應龍建

繡衣坊

在育賢街爲侍御趙應龍建

光啓坊

在通商街爲舉人陳讓建今廢

登瀛坊

在阜民街爲舉人李梅建今廢

經元坊

在木廠街爲經魁楊宜建今廢

恩榮坊

在通商街爲進士楊宜建

牙繡坊

在木廠街爲巡憲楊宜建

文宗坊

在育賢街爲督學楊宜建

馳恩坊

在通商街爲勅封侍御楊惠建

進士坊

在育賢街爲進士傅希摯建

都憲坊

在育賢街爲中丞傅希摯建

大司徒坊

在育賢街爲尚書傅希摯建

青宮少保坊

在育賢街爲尚書傅希摯建

蘭省清暉坊

在育賢街爲誥封郎中傅稟純建

貞節坊

一在育賢街爲張氏建久廢

在通商街爲蘇氏建

一在登瀛

門外爲

一在舊城村

一在北田村

王氏建

爲王氏建

爲張氏建

一在胡家堂

一在通商街

一在彭

爲李氏建

西爲蘇氏建

家杜村

爲王

一在花墳村

一在浪子橋

氏建

爲馮女建

村爲屈氏建

倉廩

常平倉

永豐廩十七間

在衙署東

大有廩九間

在衙署北

隆興廩九間

在衙署西

恒裕廩九間

在衙署西

共額貯穀一萬四千石

義倉

留中一處厰二間

在城東貯穀三百九十八石

趙常一處厰三間

在城南貯穀四百八十四石

鉅鹿一處厰二間

在城西南貯穀三百七十五石

新集一處厰二間

在城西貯穀四百六十七石

張官舖處厰二間

在城西北貯穀三百一十六石

由家店一處厰三間

在城北貯穀三百四十九石四斗二升

以上各倉存穀原無定貯按收成豐歉勸捐一

歲捐穀二三百石不等共貯穀二千三百八十

九石四斗二升

按燕趙之民尚慷慨而少積聚偶遇歲荒待哺於官否則唯轉徙而已先時而爲之備者不可以不講也備荒之法貯之于公而甚便于民者莫如今之義倉制府宮保方公上其法於朝廷而推行於郡縣今且十有八九年矣生息既久儲蓄日多偶遇偏灾可恃以無患謹書於篇以志良法之所自始云

養濟院

舊在馬廠街久廢乾隆五年知縣汪燠詳請建
瓦房十七間垣墻門樓俱備

留養局

一在杜家街西瓦房三間南北廂房各二間垣
墻大門俱全備

一在趙常十字街路南土房二間

一在新集村東首路北土房二間

一在張官舖村中間土房二間

一在留中堡村西首土房二間

按周禮札喪凶荒厄窮爲一書鰥寡老疾皆

有養也富鄭公知青州推行其意而變通之
流民安輯他處郡縣皆以青州爲法乾隆六
年制府方公在直藩時行令州縣於城市鄉
村設局留養以恤貧民之離邊者年老疾病
鰥寡無依者自十月始至明年二月計日給
糧其老病癡疾則常養在局良法美意同符
周禮故謹登之邑局經始于知縣劉士玉宋
紀先後捐銀二百二十兩紳士商民共捐銀
八十兩交商營運歲收息銀七十二兩遇閏
加六兩爲局中之費如尚不敷知縣捐辦

墩臺

野營村墩

劉家庄墩

張家庄墩

周村墩

郭家庄墩

尋家疃墩

清涼店墩

以上東路

康家窪墩

王許莊墩

小侯新莊墩

諸葛店墩

半壁莊墩

棗園村墩

開河村墩

趙常村墩

以上南路

大廟村墩

東團馬墩

李家舖墩

毗村墩

以上西路

牛家佐墩

楊家庄墩

張管舖墩

以上北路

四路共墩臺二十二座僅存遺址

軍器附

紅衣砲二位
滅敵砲四十九位

三眼鎗三杆
單眼鎗一杆

長鎗二十杆
鉛子五十個